

Rydw i eisiau cael diddymiad- Beth ddylwn ei wneud?

Sut mae cael gwybodaeth neu gyngor?

I gael gwybodaeth, cymorth a chyngor cyfreithiol di-dâl, cysylltwch â'r Gwasanaeth Cyfreithiol Cymunedol Uniongyrchol ar 0845 345 4 345 neu www.clsdirect.org.uk. Gallwch hefyd geisio cymorth gan Ganolfan Cyngor ar Bopeth neu ganolfan cyngor i ddefnyddwyr.

Beth ddylwn i ei wneud cyn cychwyn deiseb am ddiddymiad?

Darllenwch daflen rhif D193 (Ynghylch diddymiad). Os oes gennych blant dylech hefyd ddarllen taflen D195 (Plant a diddymiad).

Allwch chi ddim cychwyn deiseb am ddiddymiad oni fyddwch wedi bod mewn partneriaeth sifil am fwy na blwyddyn.

Os ydych yn dal eisiau cychwyn deiseb, darllenwch y daflen hon yn ofalus. Sicrhewch fod gennych y wybodaeth a'r ffurflenni y mae'n dweud y byddwch eu hangen a chopi o'ch tystysgrif partneriaeth sifil nad yw'n llungopi.

Ble mae cychwyn fy neiseb am ddiddymiad?

Gallwch gychwyn eich deiseb yn unrhyw lys sirol sy'n ymdrin ag achosion partneriaeth sifil, neu yn y Brif Gofrestrfa yn Llundain. Ceir rhestr o'r holl lysoedd sirol sy'n ymdrin ag achosion partneriaeth sifil yn nhaflen D193.

Mae cyfeiriadau a rhifau ffôn y rhain wedi'u rhestru yn llyfr ffôn dan 'Courts'.

Pa bryd y mae llysoedd sirol sy'n ymdrin ag achosion partneriaeth sifil yn agored?

O ddydd Llun i ddydd Gwener, rhwng 10am a 4pm.

Mae'r Brif Gofrestrfa'n agored ddydd Llun i ddydd Gwener, rhwng 10am a 4.30pm.

Faint fydd hyn yn ei gostio?

Mae'n bosibl y bydd yn rhaid i chi dalu ffi i'r llys. Gofynnwch i staff y llys am gopi o daflen **EX50 – Ffioedd y Llys Sirol**. Mae hon yn rhestru'r ffioedd teulu mwyaf cyffredin. Mae hefyd ar gael ar ein gwefan www.gwasanaeth-llysoeddem.gov.uk.

Sut alla i dalu'r ffi?

Gydag arian parod, archeb bost neu siec. Gwnewch eich siec neu'ch archeb bost yn daladwy i 'Gwasanaeth Llysoedd Ei Mawrhydi' (GLIEM). Sylwch na all llysoedd dderbyn taliadau drwy gerdyn credyd neu ddebyd.

Oes rhaid talu'r ffi bob amser?

Na. Fe allai eich sefyllfa ariannol olygu nad oes rhaid i chi dalu ffi. Mae'r llyfryn a'r ffurflen gais ar y cyd, **EX160A – Ffioedd Llys – oes rhaid i mi eu talu?** yn darparu rhagor o wybodaeth ynghylch hyn.

Gall staff llys roi copi o EX160A i chi. Mae ar gael ar ein gwefan hefyd ar www.gwasanaeth-llysoeddem.gov.uk. Rhaid i chi wneud cais ar wahân am bob ffi y byddai'n rhaid i chi ei thalu fel arall.

Pa wybodaeth a dogfennau sydd eu hangen arna'i?

- Eich enw a'ch cyfeiriad llawn.
- Enw a chyfeiriad llawn eich partner sifil.
- Copi o'ch tystysgrif partneriaeth sifil, nad yw'n llungopi.
- Enwau a dyddiadau geni unrhyw blant sydd gennych sy'n fyw, waeth faint yw eu hoedran.

Pa ffurflenni fydd eu hangen arnaf?

Byddwch angen tri chopi o Ffurflen D508 (deiseb am ddiddymiad).

Os oes gennych blant, byddwch hefyd angen tri chopi o ffurflen D8A (datganiad o drefniadau ar gyfer y plant).

Mae un o'r copïau hyn i'w gadw gennych chi, un copi ar gyfer y llys ac un copi i'r llys ei anfon at eich partner sifil.

Copi o nodiadau ffurflen D508 i'ch cynorthwyo i lenwi eich deiseb.

Os ydych chi'n credu nad fydd raid i chi dalu ffi, mae angen y llyfryn a'r ffurflen gais ar y cyd **EX160A – Ffioedd y Llys – oes rhaid i mi eu talu?** arnoch chi.

Mae'r holl ffurflenni hyn i'w cael mewn llysoedd sirol sy'n ymdrin ag Achosion Partneriaeth Sifil. Byddant yn eu rhoi i chi'n rhad ac am ddim. Mae'r ffurflenni hyn hefyd ar gael ar ein gwefan www.gwasanaeth-llysoeddem.gov.uk

Fyddda' i'n gallu llenwi'r ffurflenni fy hun?

Bydd nodiadau'r ffurflen o gymorth i chi lenwi eich ffurflenni eich hun.

Os byddwch angen cymorth i lenwi'r ffurflenni, bydd Canolfan Cyngor ar Bopeth yn helpu.

Os ydych yn derbyn Cymorth Cyfreithiol gan Dwrnai dan y Gronfa Gwasanaeth Cyfreithiol Cymunedol, bydd ef neu hi'n eich cynorthwyo i lenwi'r ffurflenni.

Beth fydd yn digwydd pan fyddaf wedi gadael y ffurflenni gyda'r llys?

Anfonir ffurflen D9H atoch (hysbysiad o gychwyn deiseb). Bydd yn dweud wrthyich pa bryd yr anfonwyd y ddeiseb at yr atebdydd. Bydd yn dderbynnu am eich ffi (os ydych wedi'i thalu) ac yn dweud wrthyich beth yw rhif achos eich diddymiad. Bydd hefyd yn dweud wrthyich beth i'w wneud os na fydd yr atebdydd yn ymateb i'ch deiseb.

Bydd y llys yn postio copi o'ch deiseb gyda ffurflen D510(6) (cydnabyddiad cyflwyno) i'r atebydd (gyda chopi o'r trefniadau a gynigiwyd ar gyfer unrhyw blant).

Mae gan yr atebydd wyth diwrnod i ddychwelyd y cydnabyddiad cyflwyno. Mae'r 8 diwrnod yn dechrau ar y diwrnod ar ôl iddynt dderbyn y ddeiseb.

Sut fydda' i'n gwybod pan fydd yr atebydd wedi derbyn y ddeiseb?


Byddant yn dychwelyd eu D510(6) (cydnabyddiad cyflwyno) i'r llys. Bydd y llys yn anfon copi atoch.

Beth fydd yn digwydd os nad yw'r atebydd yn derbyn y ddeiseb?

Os yw'r cyfeiriad a roddwyd gennych ar gyfer yr atebydd yn anghywir, neu os ydynt wedi symud, bydd Swyddfa'r Post yn dychwelyd y ddeiseb a'r ffurflenni eraill i'r llys.

Bydd y llys yn rhoi gwybod i chi os digwydd hyn. Byddant yn anfon ffurflen D9A (hysbysiad o fethu â chyflwyno deiseb) atoch.

Os ydych eisiau parhau â'ch diddymiad, rhaid i chi ganfod y cyfeiriad cywir ac ysgrifennu at y llys i'w hysbysu. Bydd y llys yn postio'r ddeiseb a'r ffurflenni eraill i'r cyfeiriad newydd.



Bydd y cyfnod ar gyfer dychwelyd y cydnabyddiad cyflwyno'n hwy os yw'r atebydd yn byw y tu allan i Gymru a Lloegr.

Beth fydd yr atebydd yn ei wneud pan fydd yn derbyn y ddeiseb?

Gallant wneud un o dri pheth:

- anwybyddu'r ddeiseb a pheidio â thrafferthu i ddychwelyd ffurflen D510(6) (cydnabyddiad cyflwyno) i'r llys;
- llenwi ffurflen D510(6) gan ddatgan eu bod yn bwriadu herio'ch deiseb/neu awdurdodaeth y llys a'i dychwelyd i'r llys; neu
- lenwi ffurflen D510(6) yn datgan eu bod yn cytuno â'r ddeiseb, a'i dychwelyd i'r llys.

Os dychwelir ffurflen D510(6) i'r llys gan yr atebydd, bydd y llys yn anfon copi atoch. Bydd taflen D196 (Mae'r atebydd wedi ateb fy neiseb – beth ddylwn i ei wneud nesaf?) yn dweud wrthy ch beth i'w wneud nesaf.

Beth fydd yn digwydd os nad yw'r atebydd yn dychwelyd ffurflen D510(6) (cydnabyddiad cyflwyno) i'r llys?

Pan fydd 8 diwrnod wedi mynd heibio ers i'r ddeiseb gael ei hanfon, dylech dderbyn dau gopi o ffurflen D89 (cais am wasanaeth beili), gan y llys.

Llenwch y ffurflenni D89 a'u dychwelyd i'r llys. Anfonwch hwy gyda llun neu ddisgrifiad ysgrifenedig o'r atebydd, ynghyd â ffi. Bydd staff y llys yn dweud wrthy ch faint fydd hyn.

Gofynnir i feili'r llys sirol gyflwyno'r ddeiseb a'r dogfennau eraill i'r atebydd yn bersonol.

Os anfonwyd atoch gopïau o ffurflen D510(6) (cydnabyddiad cyflwyno) yr atebydd, darllenwch daflen D196 (Mae'r atebydd wedi ateb fy neiseb – beth ddylwn i ei wneud nesaf?). Bydd yn dweud wrthy ch beth i'w wneud nesaf.

Cofiwch: Os oes cyd-atebydd i'ch deiseb, mae'r wybodaeth yn y daflen hon ynglŷn ag atebwyr hefyd yn berthnasol i'r cyd-atebydd.